

四庫全書

史部

欽定四庫全書

歷代帝王宅京記卷四

崑山顧炎武撰

關中二

漢

高祖本紀曰五年秋後九月治長樂宮

史記七年二月宮成丞相已下

徙治長安十年十月淮南梁燕荆楚齊長沙王皆來朝長樂宮功臣表陽成延為少府作長樂未央宮築長安城先就封梧侯五百戶

七年蕭何治未央宮立東闕北闕前殿武庫太倉

師古注見

上闕中記曰東有蒼龍闕北有元武闕元武所謂北闕史記正義曰按北闕為正者蓋象秦作前殿渡渭水屬之咸陽以象天極閣道絕漢抵營室索隱曰秦家舊宮皆在渭北立東闕北闕者蓋取其便

惠帝本紀曰六年夏六月起長安西市

文帝本紀曰四年秋九月作顧成廟

應劭曰文帝自為廟制平狹若顧望

而成猶文王不日成之也如淳曰身存而為廟若尚書之顧命也

武帝本紀曰建元三年春作便門橋

蘇林曰去長安四十里服虔曰在長

安西北茂陵東師古曰便門長安城北面西頭門即平門也古者平便皆同字于此道作橋跨渡渭水以趨茂

陵其道易直即今所謂  
便橋是也便讀如本字

元狩三年秋發謫吏穿昆明池

臣瓚曰西南夷傳有越  
巽昆明國有滇池方三

百里漢使求身毒國而為昆明所閉今欲伐之故作昆  
明池象之以習水戰在長安西南周回四十里師古曰  
謫吏吏有罪  
者罰而役之

郊祀志曰作甘泉宮中為靈室畫天地泰一諸鬼神而  
置祭具以致天神其後又作栢梁銅柱承露仙人掌之

屬矣

蘇林曰仙人以手掌擎盤承甘露師古曰三輔故  
事云建章宮承露盤高二十丈大七圍以銅為之

上有仙人掌承露和玉屑飲之張衡西京賦  
所云立修莖之仙人掌承雲表之清露是也

元鼎二年春起栢梁臺

食貨志曰是時粵欲與漢用船戰遂迺大修昆明池列館環之治樓船高十餘丈旗幟加其上甚壯于是天子感之迺作栢梁臺高數十丈宮室之修由此日麗

本紀曰三年冬徙函谷關于新安

應劭曰時樓船將軍楊僕數有大功恥為

關外民上書祈徙東關以家財給其用度武帝亦意好廣濶于是徙關于新安去弘農三百里以故關

為弘農縣

元封二年夏作甘泉通天臺長安飛廉館

應劭曰飛廉神禽能致風

氣者也晉灼曰身如鹿頭如爵有角而蛇尾文如豹文  
師古曰通天臺者言此臺高上通于天也漢舊儀云高  
三十丈望  
見長安城

郊祀志公孫卿曰仙人可見而上往常遽以故不見今

陛下可為館如緱氏城置脯棗仙人宜可致也且仙人

好樓居於是上令長安則作飛廉桂館師古曰二樓名甘泉則

為益壽延壽館師古曰二館名宋黃伯思曰按史記作益延壽觀而近壽雍耀間耕夫有得古

瓦其首作益延壽三字瓦徑尺字書奇古即此觀當時  
瓦也又按括地志云延壽觀在雍州雲陽縣西北八十

一里通天臺西八十步正今耀州地也然則當以史記  
為正但一觀名益延壽三字耳師古謂益壽延壽二館



非是館當從史記作觀觀館古多相通自唐以前使卿六朝時凡道觀皆謂之某館至唐始定謂之館也持節設具而候神人迺作通天臺置祠具其下將招來神仙之屬于是甘泉更置前殿始廣諸宮室

本紀曰太初元年冬十一月乙酉栢梁臺災春二月起

建章宮

師古曰在未央宮西今長安故城西俗所呼貞女樓者即今建章宮之闕也

郊祀志曰上以栢梁災故受計甘泉公孫卿曰黃帝就青靈臺十二日燒師古曰就成也造臺適成經十二日即遇火燒黃帝乃治明

廷明廷甘泉也方士多言古帝王有都甘泉者其後天

子又朝諸侯甘泉甘泉作諸侯邸粵人勇之曰粵俗有

火災復起屋必以大勝服之于是作建章宮度為千門

萬戶前殿度高未央度並音大各反其東則鳳閣高二十餘丈

師古曰三輔故事云其闕園上有銅鳳凰其西則商中數十里虎圈如淳曰商中商

庭也師古曰商金也于序在秋故謂西方之庭為商庭言廣數十里於苑亦西方之獸故於此置其圈也其

北治大池漸臺高二十餘丈名曰泰液師古曰漸浸也臺在池中為水

所浸故曰漸臺一音子廉反三輔黃圖或為濺字濺亦浸也池上有蓬萊方丈瀛洲

壺梁象中神山龜魚之屬師古曰三輔故事云池北岍有石魚長二丈高五丈西岍



有石龜三枚長六尺

其南有玉堂壁門大鳥之屬

師古曰立大鳥象也

立神

明臺井幹樓高五十丈輦道相屬焉

師古曰漢宮閣疏云神明臺高五十

丈上有九室恒置九天道士百人然則神明井幹俱高五十丈也井幹樓積木而高為樓若井幹之形也井幹者井上木欄也其形或四角或八角張衡西都賦云井幹疊而百層即謂此樓也幹或作翰其義並同

本紀曰四年秋起明光宮

宣帝本紀曰神爵三年春起樂遊苑

師古曰三輔黃圖云在杜陵西北又

闕中記云宣帝立廟于曲池之北號樂遊按其處則今之所呼樂遊廟者是也其餘基尚可識焉蓋本為樂遊苑後因立廟樂音來各反

郊祀志曰以方士言為隨侯劔寶玉寶璧周康寶鼎立

四祠于未央宮中又立歲星辰星太白熒惑南斗祠于

長安城旁京師近縣鄠則有勞谷五牀日月五帝仙人

玉女祠雲陽有徑路神祠祭休屠王也

師古曰休屠匈奴王號也徑路

神本匈奴之神也屠音除

元帝本紀曰初元二年春三月詔罷水衡禁園宜春下

苑

孟康曰宮名也在杜縣東晉灼曰史記云葬二世杜南宜春苑中師古曰宜春下苑即今京城東南隅曲

江池是也

少府飲飛外池

如淳曰漢儀注飲飛具罾繳以射鳧雁給祭祀故有池也

嚴籞

池田

蘇林曰嚴飾池上之屋及其池也晉灼曰嚴籩射苑也許慎曰嚴弋射者所蔽池田苑中田也師古

曰晉說是假與貧民

五年夏四月罷上林宮館希御幸者

成帝本紀曰建始元年秋罷上林宮館希御幸者二十

五所

外戚傳曰趙皇后既立後寵少衰而弟絕幸為昭儀居

昭陽舍其中庭彤朱而殿上髹漆

師古曰以漆漆物謂之髹許求反

切

皆銅沓冒黃金塗

切門限也沓冒其頭也塗以金塗銅上也沓他合反

白玉階壁

帶往往為黃金釭函藍田璧明珠翠羽飾之

服虔曰釭璧中橫帶

也晉灼曰以金環飾之也師古曰璧帶璧之橫木露出如帶者也於璧帶之中往往以金為釭若卓釭之形也其釭中著玉璧明珠翠羽耳釭音工自後宮未嘗有焉

平帝本紀曰元始元年夏六月罷明光宮及三輔馳道

二年夏起五里於長安城中

如淳曰民居之里

宅二百區以居

貧民

四年春立明堂辟廱

王莽傳曰莽奏起明堂璧雍靈臺為學者築舍萬區作

市常滿倉制度甚盛

五年秋莽以皇后有子孫瑞

莽女為平帝后

通子午道

張晏曰時年十

四始有婦人之道也子水午火也水以天一為壯火以地二為北故火為水妃令通子午以協之

子午

道從杜陵直絕南山徑漢中

師古曰子北方也午南方也言通南北道相當故謂

之子午耳今京城直南山有谷通梁漢道者名子午谷又宜州西界慶州東界有山名子午嶺計南北直相當此則北山者是子南山者是午共為子午道後漢書順帝紀詔益州刺史罷子午道通褒斜路注子午道三秦記曰子午長安正南山名秦嶺谷一名樊川褒斜漢中谷名南谷為褒北谷為斜首尾七百里

始建國元年春正月改明光宮為定安館定安太后居

之后平帝改公車司馬曰王路四門長樂宮曰長樂室未

央宮曰壽成室前殿曰王路堂

服虔曰如言路寢也

長安曰常安

地皇二年秋望氣為數者多言有土功象莽下書曰予

受命遭陽九之厄百六之會府帑空虛百姓匱乏宗廟

未修且祫祭于明堂太廟夙夜永念非敢寧息深維吉

昌莫良于今年予乃卜波水之北郎池之南惟玉食

劉德

曰長安南也師古曰黃圖有西波池郎池皆在石城南上林中玉食謂龜為玉兆之文而墨食波音彼皮反

予又卜金水之南明堂之西亦惟玉食予將親築馬于

是遂營長安城南

師古曰蓋所謂金水之南明堂之西

提封百頃九月甲

申莽立載行視

師古曰立載謂立而乘車也

親舉築三下司徒王尋

大司空王邑持節及侍中常侍執法杜林等數十人將

作

師古曰將領築作之人

乃博徵天下工匠諸圖畫以望法度算

壞徹城西苑中建章承光包陽大臺儲元宮及平樂當

路陽祿館凡十餘所

師古曰自建章以下至陽祿皆上林苑中館

取其材瓦

以起九廟一曰黃帝太初祖廟二曰帝虞始祖昭廟三

曰陳胡王統祖穆廟四曰齊敬王世祖昭廟五曰濟北愍

王王祖穆廟凡五廟不隳云

師古曰隳毀也音火規反

六曰濟南伯

王尊禰昭廟七曰元城孺王尊禰穆廟八曰陽平頃王

威禰昭廟九曰新都顯王威禰穆廟殿皆重屋太初祖

廟東西南北各四十丈高十七丈餘廟半之為銅薄櫨

師古曰薄櫨柱上枅即今所謂楹也櫨音盧

飾以金銀琯文

琯彫同

窮極百工

之巧帶高增下

師古曰本因高地而建立之其旁下者更增築

功費數百鉅萬

卒徒死者萬數

二年莽夢長樂宮銅人五枚起立惡之念銅人有銘皇



帝初兼天下之文即使尚方工鑄滅所夢銅人膚文師古

曰鑄鑿也音于金反

感漢高祖神靈

師古曰謂夢見龜貞

遣虎賁武士入高

廟拔劍四面提擊斧毀戶牖桃湯赭鞭灑屋壁師古曰桃

湯灑之赭鞭之赭亦也

令輕車校尉居其中又令中軍北壘居高

寢

師古曰徙北軍壘之兵士于高廟寢中屯居也

三年春正月九廟成

二月癸巳霸橋災數千人以水沃救不滅莽惡之更名

霸館為長存館霸橋為長存橋

後漢書光武本紀曰建元十九年修西京宮室

郊祀志曰莽篡位二年興神仙事以方士蘇樂言起八

風臺於宮中臺成萬金作樂其上順風作液湯又種五

梁禾於殿中

師古曰五色禾也

各順色置其方面先鬻鶴髓毒

冒犀玉二十餘物漬種

師古曰鬻古煮字髓古髓字謂鬻取汁以浸穀子也毒音代冒

音妹計粟斛成一金

地理志曰京兆尹故秦內史高帝元年屬塞國二年更為渭南郡九年復為內史武帝建元六年分為右內史

師古曰表云景帝分置據史記知志誤

太初元年更為京兆尹縣十二

長安 新豐 船司空 藍田 華陰 鄭湖

下邳 南陵 奉明 霸陵 杜陵

左馮翊故秦內史高帝元年屬塞國二年更為河上郡  
九年復為內史武帝建元六年分為左內史太初元年  
更名左馮翊縣二十四

高陵 櫟陽 翟道 池陽 夏陽 衙 粟邑

谷口 蓮勺 廊 頻陽 臨晉 重泉 郃陽

葭州 武城 沈陽 襄德 徵 雲陵 萬年

長陵 陽陵 雲陽

右扶風故秦內史高帝元年屬雍國二年更為中地郡

九年復為內史武帝建元六年分為右內史太初元年

更名主爵都尉為右扶風

師古曰主爵都尉本秦之主爵中尉掌列侯至太初元年

更名右扶風而治于內史右地 縣二十一

渭城 槐里 鄠 藍屋 棨 郁夷 美陽

郿 雍 漆 柁邑 隃廩 陳倉 杜陽

汧

好時

號

安陵

平陵

武功

茂陵

平帝紀曰元始四年分京師置前輝光後丞烈二郡  
地理志曰華陰有集靈宮武帝起

右扶風槐里有黃山宮孝惠二年起

三輔黃圖序曰易曰上古穴居而野處後世聖人易之  
以宮室上棟下宇以待風雨蓋取諸大壯三代盛時未  
聞宮室過制秦穆公居西秦以境地多良材始大宮觀  
戎使由余適秦穆公示以宮觀由余曰使鬼為之則勞

神矣使人為之亦勞民矣是則穆公時秦之宮室已壯

大矣惠文王初都咸陽取岐雍巨材新其宮室南臨渭

北踰涇至于離宮三百復起阿房未成而亡

按離宮三百及阿房

皆始皇事也始皇并滅六國憑藉富強益為驕侈殫天下財

力以事營繕項羽入關燒宮闕三月火不滅漢高祖有

天下始都長安寔曰西京欲其子孫長安都于此也

長安

本秦之鄉名高祖作都至孝元皇帝承文景菲薄之餘恃邦國阜

繁之資土木之役倍秦越舊斤斧之聲畚鍤之勞歲月

不息蓋逞其邪心以跨天下也昔孔子作春秋築一臺  
新一門必書於經謹其廢農時奪民力也今裒采秦漢  
以來宮殿門闕樓觀池苑在關輔者著于篇曰三輔黃  
圖云東都不與焉

三輔 禹貢九州舜置十二牧雍其一也古豐鎬之地  
平王東遷以岐豐之地賜秦襄公至孝公始都咸陽在  
九峻山南渭水北故名咸陽

山南曰陽  
水北曰陽

秦并天下置內

史以領關中項籍滅秦分其地為三章邯為雍王都廢

丘司馬欣為塞王都櫟陽董翳為翟王都高奴謂之三秦漢高祖元年定三秦更為渭南郡九年罷郡復為內史此為右內史武帝太初元年改內史為京兆尹與左馮翊右扶風謂之三輔

三輔治所京兆在故城南尚冠里馮翊在故城內太上皇廟西南扶風在夕陽街北

三輔者謂主爵中尉及左右內史漢武帝改曰京兆尹左馮翊右扶風共治長安城中是為三輔

按百官表顏師古注引黃



圖云京兆在尚冠前街東入故中尉南馮翊在太上皇廟西入右扶風在夕陽街入北故主爵府長安以東為京兆長陵以北為左馮翊渭城以西為右扶風

三輔郡皆有都尉如諸郡京輔都尉治華陰左輔都尉治高陵右輔都尉治郿王莽分長安城旁六鄉置帥各一人分三輔為六尉郡渭城安陵以西北至栒邑義築十縣屬京尉大夫府居故長安寺高陵北十縣屬師尉大夫府居故廷尉府新豐以東至湖十縣屬翊尉大夫府居城東霸陵杜陵以東至藍田西至武功郁夷十縣

屬光尉大夫府居城西茂陵槐里以西至汧十縣屬扶尉大夫府居城西長陵池陽以北至雲陽殺襖十縣屬列尉大夫府居城北後漢光武之後扶風出治槐里馮翊出治高陵

後漢百官志曰中興都洛陽三輔陵圖所在不改其號但減其秩與太守同

漢長安故城 高帝七年修長安宮城自櫟陽徙都之

蓋本秦離宮也初置長安城本狹小至惠帝更築新城城高三丈五尺下濶一丈五尺上濶九尺雉高三級周回六十五里城南為南斗形北為北斗形至今人呼漢

京城為斗城是也漢舊儀曰城方六十三里經緯各十二里十八步地九百七十二頃八街九陌三宮九府三廟十二門九市十六橋地皆黑壤今赤如火堅如石父老傳云盡鑿龍首山土為城水泉深二十餘丈樹宜槐與榆松柏茂盛馬城下有池周繞廣三丈深二丈石橋各六丈與街值

舊唐書殷嶠傳與統軍劉弘基率兵六萬屯長安故城許敬宗傳高宗于古長安城游覽命敬宗與宏文館學

士具檢秦漢以來歷代宮室處所以奏

通典高宗咸亨三年于岐州陳倉縣東南開渠引渭水入昇源渠通船筏至京故城

城十二門 長安城東出南頭第一門曰霸城門民見門青色名曰青城門或曰青門門外舊出佳瓜廣陵人召平為秦東陵侯秦破為布衣種瓜青門外瓜美故時人謂之東陵瓜廟記曰霸城門亦曰青綺門

漢書王莽天鳳三年霸城門災莽更霸城門曰仁壽門

無疆亭

後周書武帝紀建德六年五月青城門無故自崩宣帝紀大象元年三月庚申至自東巡帝親探甲冑入自青門

長安城東出第二門曰清明門一曰籍田門以門內有籍田倉一疏曰凱門漢書平帝元始四年春風吹屋瓦且盡即此門也漢宮殿疏曰第二門名城東門莽更曰宣德門布恩亭

長安城東出北頭第一門曰宣平門民間所謂東都門

史記孝景中三年軍東都門外

漢書成帝建始元年有白蛾羣飛蔽日

從東都門至軹道又疏太傅廣少傅受上疏乞骸骨歸

公卿大夫為設祖道供帳東都門外即此門也

後漢書董卓傳王允

奉太子保宣平城門樓上

其郭門亦曰東都門即逢萌挂冠處也

昌邑

王賀傳至廣明東都門郎中令龔遂曰此長安東都門也

東都門至外郭亭十三里

莽更名曰春王門正月亭

長安城南出東頭第一門曰覆盜門廟記曰覆盜與洛

門相去十三里二百一十步門外有魯班輸所造橋工

巧絕世其南有下杜城應劭曰故杜陵之下聚落也故

曰下杜門又曰端門北對長樂宮漢書戾太子傳斫覆

盜門出奔湖

蔡義傳遷補  
覆盜城門候

莽更名曰永清門長茂亭

長安城南出第二門曰安門亦曰鼎路門北對武庫莽

更名曰光禮門顯樂亭

長安城南出第三門曰西安門北對未央宮亦曰便門

即平門也古平便同字莽更名曰信平門誠

水經注  
作城

正

亭武帝建元二年初作便門橋跨渭水通茂陵其道易

直三輔決錄曰長安城西門曰便橋橋北與門對

潘岳西征

賦津便門以右轉究吾境之所暨張鈇注便門便橋也至此盡長安界後漢書隗囂傳夜斬平城門關亡歸

天水注引三輔黃圖云長安城南面西頭門按此即是平門當是衍一城字

長安城西出南頭第一門曰章城門三輔舊事曰章門

一曰光畢門又曰便門

便門名同未詳

漢書成帝元延元年章

城門壯自亡莽更名曰萬秋門億年亭

長安城西出第二門曰直城門亦曰故龍樓門有銅龍



按漢書成帝紀帝為太子初居桂宮上嘗急召太子出  
龍樓門不敢絕馳道西至直城門得絕乃度還入作室  
門上遽之問其故以狀對上大悅乃著令太子得絕馳  
道然則龍樓當別是一門非直城門也王莽傳大風拔  
樹飛北闕直  
城門屋瓦  
莽更名曰直道門端路亭

長安城西出北頭第一門曰雍門本名西城門莽更名

曰章義門著義

水經注  
作誼

亭其水北入有亟

水經注  
作亟

里民

呼曰亟里門

長安城北出東頭第一門曰杜門亦曰利城門莽更名

曰進和門臨水亭其水有客舍故曰客舍門又曰洛門

也按今三輔黃圖本誤作洛城門又曰高門今據水經注改杜門洛門名同未詳晉書載記苻健起靈

臺于  
杜門

長安城北出第二門曰洛城門晉書天文志北落師門一星在羽林西南北者

宿在北方也落天子之藩落也師衆也師門猶軍門也長安城北門曰北落門以象此也其內有長

安厨官名之曰厨城門水經注本名洛門又曰朝門一曰高門蘇林曰高門長安城北

門也一曰厨門其內有長安厨官故城曰厨門也如淳曰今名廣門也後漢書劉元傳更始單騎走從厨城

門出諸婦女從後連呼曰陛下當下謝城更始即下  
馬拜復上馬去注今長安故城北面之中門是也莽

更名曰建子門廣世亭

長安城北出西頭第一門曰橫門漢書渭水虎上小女

陳持弓走入光門即此門也

今漢書五行志作走入橫城門如淳曰橫音光亦作

光門樂府瑯琊王歌辭長安十二城門光門最妍雅渭水從壘來浮游渭橋下後漢書董卓至郿行塢公卿

祖道橫門外三國志魏延傳注引魏峇延請精兵五千從子午谷徑襲長安橫門郿閣足以周食莽更

名曰霸都門左幽亭門外有橋曰橫橋

漢書庾太子傳焚蘇文于橫橋

上師古曰橫渭橋也潘岳西征賦驚橫橋而旋軫歷敞邑之南垂舊唐書高士廉喪柩出自橫橋太宗登故

城西北樓望而恟水經注其外有郭都門有棘門徐廣曰棘門在渭北孟康曰在長安北秦時宮門也如淳

曰三輔黃圖曰棘門在橫門外按漢書徐廣軍于此備匈奴又有通門亥門也

漢城門皆有候門候主候時謹啓閉也三輔決錄曰長安城面三門四面十二門皆通達九達以相經緯衢路平正可並列車軌三塗洞開隱以金椎周以林木左右出入為來往之徑行者升降有上下之別班固西都賦云披三條之廣路立十二之通門張衡西京賦云城郭之制則旁開三門參塗夷庭方軌十二街衢相經廛里端直甍宇齊平是也

歷代帝王宅京記卷四

欽定四庫全書

歷代帝王宅京記卷五

崑山顧炎武撰

關中三

漢

長樂宮 本秦之興樂宮也高帝始居櫟陽七年長樂

宮成徙居長安城

史記正義曰長樂宮在長安縣西北十五里

三輔舊事宮

殿疏皆曰興樂宮秦始皇造漢修飾之周回二十餘里

前殿東西四十九丈七尺兩杼一作序中二十五丈深十

二丈長樂宮有鴻臺有臨華殿有溫室殿有長信宮長

秋永壽永寧四殿高帝居此後太后嘗居之昭帝紀元平元年十

一月壬子皇太后居長樂宮置屯衛呂氏紀有長樂衛尉鄒陽傳梁孝王嘗上書願賜容車之地徑至長

樂宮自使梁國士衆築作甬道朝太后王后傳武帝迎太后徵時所生金王孫女載至長樂宮謁太后庚

太子傅使舍人無且持節夜入未央宮殿長秋門發長樂宮衛霍后傳許后五日一朝太后于長樂宮元

后傳漢傳國璽藏長樂宮灌夫傳孝惠至平帝皆居東朝廷辨之如淳曰東朝太后朝也

未央宮長安志曰長樂宮者高帝既以為居又以受朝無異于正室矣自惠帝後人主常居未央而長

樂長奉  
母后  
漢書宣帝元康四年三月神爵五采以萬數集

長樂未央北室高寢甘泉泰畤殿中及上林苑五鳳三

年三月辛丑鸞鳳集長樂宮東闕中樹上張晏曰門外闕內行馬之

裏樹也水經注殿前列銅人殿之東北有池池北有層臺俗謂是池為酒池非也三輔故事漢徙秦金狄

寘長樂大夏殿前  
王莽改長樂宮為常樂宮在長安城中近東

直杜門史記正義曰長樂宮在長安縣北十五里長安志曰未央在漢城西陞而長樂乃東隅也秦栲里

子百年前已言之元和志言兩宮相去止隔一里所即武庫

長信宮  
漢太后嘗居之漢書成帝母王太后長信宮



后宫在西秋之象也秋主信故宮殿皆以長信長秋為

名又永壽永寧殿皆后所處也

東方朔傳上徹行時夜出夕選後齋五日糧會

朝長信宮

外戚傳班婕妤好求共養太后長信宮上許

馬婕妤是處東宮作賦自傷悼云奉共養于東宮兮記

長信之末流 長安志曰長樂宮有宣德通光高明長

秋永壽永寧長亭華林溫室建始廣陽中室月室神仙

椒房大夏殿水經注曰殿西有長秋長信永壽永寧等

殿則長信長秋皆在長樂宮也百官表有長信少府注

曰太后所居宮名也居長信則曰長信少府居長樂

則曰長樂少府後漢書劉元傳更始徙居長信宮

鴻臺 秦始皇二十七年築高四十丈上起觀宇漢書

惠帝四年長樂宮鴻臺災

臨華殿 在長樂宮前殿後武帝建漢書成帝永始四年四月長樂宮臨華殿災

溫室殿 案漢宮殿疏在長樂宮又漢宮閣記在未央宮

東闕 見上

西闕 漢書劉屈氂傳太子毆四市人至長樂宮西闕下逢丞相軍合戰

右長樂宮

欽定四庫全書

歷代帝王宅京記  
卷五

未央宮

高帝七年蕭何造

史記正義曰括地志云未央宮在雍州長安縣西北

十里長安

立東闕北闕

闕門觀也劉熙釋名曰闕在門西旁中央闕然為道也門闕天

故城中

子號令賞罰

前殿武庫

藏兵器之處

太倉

庾粟所在一百三十楹在長安城外

所由出也

東未央宮周回二十八里前殿東西五十丈高二十五

丈一作三丈五尺

前殿曰路寢見諸侯羣臣處也西京雜記曰未央宮周回二十二里九十五步街道

周回七十里臺殿四十三其三十二在外其十一在後宮池十三山六池一山一亦在後宮門闕凡九十五

營未央宮因龍首山以制前殿

山長六十里頭入渭水尾連樊川秦時有異龍

從南山出飲渭水其行道因成土山疏山為臺殿不假版築高出長安城西京賦所謂疏龍首以抗前殿此也

尾水經注曰龍首山頭高二十丈漸下高五六丈土色赤而堅至孝武以木蘭為芬

棨

木蘭香木芬棨椽棟

文杏為梁柱

木之文者

金鋪玉戶

金鋪扉上有金華中作獸

及龍蛇鋪首以銜環也玉戶以玉飾戶也

華棖壁墻雕楹玉碣

楹柱也碣柱下石也

重

軒鏤檻青瑣丹墀

青瑣牕也墀殿階也宮典職曰丹漆地稱丹墀

漢

左城右平

右乘車上故使之平左以人上故為之階平城階級也

黃金為壁帶間以和氏珍

玉風至其聲玲瓏然也未央宮有宣室麒麟金華承明

武臺鈎弋等殿又有殿閣三十有二有壽成萬歲廣明

椒房清涼永延玉堂壽安平就宣德東明飛羽

元后傳冬饗飲

飛羽師古曰飛羽殿在未央宮中羽或作雨 鳳凰通光曲臺白虎等殿廟記

曰未央宮有增成昭陽殿漢宮殿疏曰未央宮有麒麟

閣天祿閣有金馬門青瑣門玄武蒼龍二闕朱鳥堂甲

觀非常室又有鈎盾署弄田三輔決錄曰未央宮有延

年殿合歡殿回車殿又漢宮閣記云未央宮有宣明長

平溫室昆德四殿又有玉堂增盤閣宣室閣

宣明廣明皆在未央

殿東昆德玉堂皆在未央宮西 三輔舊事云武帝于未央宮起高門武

臺殿漢武故事云神明殿在未央宮王莽改未央宮曰

壽成室前殿曰王路堂

晉書載記劉曜時有鳳凰將五子翔于故未央殿五日悲鳴不

食皆死

石虎建武十一年城長安未央宮

宋書武帝

本紀義熙十三年九月大會文武于未央殿

魏書高

祖紀太和二十一年四月戊寅幸未央殿阿房宮舊

唐書高祖紀貞觀八年閏武于城西高祖親自臨視置

酒于未央宮命突厥頡利可汗起舞又命南蠻酋長馮

智載詠詩既而笑曰胡越一家自古未有也敬宗

本紀寶歷二年五月辛巳神策軍于苑內古長安城中

修漢未央宮掘地獲白玉牀一張長六尺文苑英華

裴表記會昌元年重修漢未央宮名其殿

曰通光其東曰韶芳亭其西曰凝思亭

宣室 未央前殿正室也淮南子曰武王殺紂于宣室

漢取舊名曰漢書文帝受釐宣室夜半前席賈生問鬼

神之事武帝為竇太主置酒宣室東方朔曰宣室者先帝之正處也非法度之政不得入焉刑法志宣帝嘗幸

宣室齋居而決事王莽傳城中少年朱弟張魚等燒宮

莽避火宣室前殿火輒隨之

文帝紀夕入未央宮選坐前殿朱博傳博以御史

為丞相趙元以少府為御史大夫并拜于前殿延登受

策有音如鍾聲孝平皇后傳便時上林延壽門入未央殿

溫室殿 在未央宮殿北武帝建冬處之溫暖也西京

雜記曰溫宮以椒塗壁被之文繡香桂為柱設火齊屏

風鴻羽帳規地以劇賓氍毹漢書京房奏考功課吏法  
上令公卿朝臣會議溫室孔光為尚書令歸休與兄弟  
妻子燕語終不及朝省政事或問溫室省中樹何木光  
不應

清涼殿 夏居之則清涼也亦曰延清室漢書曰清室  
則中夏含霜即此也在未央宮殿北董偃常卧延清之  
室以畫石為牀文如錦紫琉璃帳以紫玉為盤如屈龍  
皆用雜寶飾之



麒麟殿 在未央宮漢書哀帝燕董賢父子于麒麟殿  
視賢曰吾欲法堯禪舜何如王閎曰天下乃高皇帝天  
下非陛下天下也當傳之無窮天子無戲言上默然不  
悅

金華殿 在未央宮漢書成帝初方向學召鄭寬中張  
禹說尚書論語于金華殿中

承明殿 未央宮有承明殿著述之所也班固西都賦  
云內有承明著作之庭即此也漢書武帝謂嚴助曰君

厭承明之廬又成帝鴻嘉二年雉飛集于承明殿屋

椒房殿 在未央宮以椒和泥塗取其溫而芬芳也武帝時後宮八區有昭陽飛翔增成合歡蘭林披香鳳凰

駕鸞等殿後又增修安處常寧茝若椒風發越蕙草等

殿為十四位成帝趙皇后居昭陽殿有女弟為婕妤好貴

傾後宮昭陽舍蘭房椒壁

漢書外戚傳見上 西京雜記曰昭陽殿織珠為簾風至

則鳴如珩珩之聲

班婕妤居增成舍

後宮八區增成第三區也

哀帝時董賢

女弟為昭儀居舍號曰椒風

西京雜記曰漢掖庭有月影臺雲光殿九華殿鳴鸞

殿開襟閣臨池館不在簿籍  
皆繁華窈窕之所棲宿也

高門殿

漢書汲黯請見高門註曰未央宮高門殿又

哀帝時鮑宣諫曰陛下擢臣巖穴誠冀有益毫毛豈欲  
臣美食大官重高門之地

白虎殿

在未央宮漢書成帝建始四年召直言之士

詣白虎殿對策王商傳河平四年單于來朝引見白虎  
殿丞相商坐未央廷中單于前拜謁

玉堂殿

在未央宮漢書揚雄傳歷金門上玉堂

蘭臺 在未央宮漢書百官表御史中丞在殿中蘭臺

迭掌圖籍秘書

掖庭宮 在天子左右如肘掖也

非常室 漢書成帝綏和二年鄭通里人王褒絳衣小

冠帶劍入北司馬門殿東門上前殿至非常室中

殿上室名

織室 在未央宮又有東西織室織作文繡郊廟之服

有令史

凌室 在未央宮藏冰之所也周官凌人職掌藏冰大

祭祀餘食則供冰漢書惠帝四年七月未央宮織室凌  
室災

暴室 主掖庭織作染練之處謂之暴室取暴曬為名  
耳有嗇夫官屬

弄田 在未央宮弄田者燕游之田天子所戲弄耳漢  
書昭帝紀始元元年上耕于鉤盾弄田應劭註曰帝時  
年九歲未能親耕帝籍鉤盾官宦者近署故往視耕為  
戲弄成帝建始元年秋虎上小女陳持弓闌入上方掖

門至未央宮鉤盾中

內謁者署 在未央宮屬少府續漢書云掌宮中步帳

褻物丁字漢官云令秩千石

端門 漢書文帝初入未央宮有謁者千人持戟衛端

門師古曰端門殿之正門

金馬門 宦者署門也門旁有銅馬故名武帝時相馬

者作銅馬獻之立馬于魯班門外更名魯班門東方朔

主父偃嚴安徐樂皆待詔金馬門

漢書東方朔傳金馬門者官署門也門旁

有相馬故謂  
之金馬門

長秋門

漢書戾太子使舍人持節夜入未央宮長秋

門

龍樓門

漢書成帝為太子上嘗急召太子出龍樓門

不敢絕馳道西至直城門得絕乃度還入作室門上遲  
之問其故以狀對上大悅乃著令太子得絕馳道

路軫廐

在未央宮中掌宮中輿馬亦曰未央廐漢書

武帝時期門郎上官桀遷為未央廐令

東闕 文帝七年六月未央宮東闕災

師古曰災  
恩為連闕

西閣也以覆重刻垣墉之處其形衆慝然一曰屏也

景帝中五年八月未央宮東

闕災

闕中記曰未央宮東有蒼龍闕北有玄武闕所謂北闕也闕中有閭闔門止車門廟記曰未央宮有

白虎闕

屬車闕

北闕

見上

班固西都賦曰其宮室也體象天地經緯陰陽

據坤靈之正位倣太紫之圓方

注七畧曰明堂之制內有太室紫微南出明堂

象太微

植中天之華闕豐冠山之朱堂因瓌材而究竒抗

應龍之虹梁彫玉填以居楹裁金壁以飾璫左城右平



重軒三階閨房周通門闥洞開列鍾簏于中庭立金人于端闈徇以離宮別寢承以崇臺間館煥若列宿紫微是環清涼宣溫神仙長年金華玉堂白虎麒麟區宇若茲不可殫論增盤崔嵬登降炤爛殊形詭制每各異觀

張衡西京賦曰覽秦制跨周法正紫微于未央

註辛氏三秦記

曰未央宮一名紫微宮

表峽闕于閭闔

註閭闔紫微宮門名三秦記未央宮有堯闕閭闔

疏龍首以抗殿狀巍峩以岌業亘雄虹之長梁結芬橑以相接飾華椽與壁璫流景曜之焜焜雕楹玉碣繡栴

雲楣三階重軒鏤椳文椀右平左城青瑣丹墀重門襲  
固姦宄是防仰福帝居陽耀陰藏洪鐘萬鈞猛虜趨  
朝堂承東溫調延北西有玉臺聯以昆德長年神仙宣  
室玉堂麒麟朱鳥龍興含章衆星環極赫戲輝煌正殿  
路寢用朝群辟大夏耽耽九戶開闢注九十有一戶高門有闕  
列坐金狄三輔故事大夏殿始皇造銅人十枚在殿前

### 右未央宮

公車 漢未央長樂甘泉宮四面皆有公車

公車主受章疏之處

司馬門 師古曰凡言司馬門者宮垣之內兵衛所在

四面皆有司馬司馬主武事故總謂宮之外門為司馬

門按漢宮衛令諸出入殿門公車司馬者皆下不知令

罰金四兩王莽改公車司馬曰王路四門分命諫大夫

四人受章疏以通下情

百官表衛尉屬官有公車司馬令丞漢官儀云公車司馬掌殿

司馬門夜繳宮中天下上事及闕下凡所徵召皆總領之令秩六百石 成帝永始四年四月未央宮東司馬

門災 通典御史府在司馬門內無塾其門署用梓板不艘色題曰御史大夫寺亦謂之憲臺成帝時御史府

史舍百餘區井水皆竭又其府中列栢樹常有野烏數千棲宿其上晨去暮來號曰朝夕烏烏去不來者數月

長老異之後果廢御史大夫為大司空是其徵也

建章宮 武帝太和元年柏梁殿災粵人勇之曰粵俗

有火災即復起大屋以厭勝之帝于是作建章宮度為

千門萬戶宮在未央宮西長安城外帝于未央宮營造

日廣以城中為小乃于宮西跨城池作飛閣通建章宮

構輦道以上下

輦道為閣道可  
以乘車而行

宮之正門曰閭闔

以象  
天門

高二十五丈亦曰壁門左鳳闕

闕上有金  
鳳高丈餘

高二十五丈

右神明臺

言臺高可  
居神明

門內北起別風闕

在閭闔門內以  
其出宮垣識風

從何處來以高五十丈對峙井幹樓高五十丈輦道相  
為闕名也

屬馬連閣皆有采暎

連閣曲閣也以覆重刻垣墉屏翳之處畫以雲氣鳥獸其形采暎然

前殿下視未央其西則廣中殿受萬人三輔舊事云建  
章周回三十里東起別風闕高二十五丈乘高以望遠  
又于宮門北起圓闕高二十五丈赤眉賊壞之西京賦  
云圓闕聳以造天若雙碣之相望是也廟記云建章宮  
北門高二十五丈建章北闕門是也又有鳳凰闕漢武  
帝造高七十七丈五尺鳳凰闕亦名別風闕又云雉堞

闕在圓闕門內二百步繁欽建章序云秦漢規模廓然  
毀泯惟建章鳳闕巋然獨存雖非象魏之制亦一代之  
巨觀也古歌云長安城西有雙闕上有雙銅雀一鳴五  
穀生再鳴五穀熟紫銅雀即銅鳳凰也楊震闕輔古語  
云長安民俗謂鳳凰闕為貞女樓司馬相如賦云豫章  
貞女樹長千仞大連  
抱冬夏常青未嘗彫落  
若有貞節故以為名也漢書曰建章宮南有玉堂壁門  
三層臺高三十丈內玉堂殿十二門階陛皆玉為之鑄  
銅鳳高五尺飾黃金棲屋上下有轉樞向風若翔椽首

薄以碧玉因曰壁門建章有駘蕩馭娑枌詣天梁竒寶

鼓簧等宮又有玉堂神明臺疏圃鳴鑿竒華銅柱函德

二十六殿太液池唐中池

晉書苻堅載記呂光發  
長安堅送于建章宮

駘蕩宮

春時景物駘蕩滿宮中也

馭娑宮

馭娑馬行疾貌馬行迅疾一日之間遍宮中

言宮之大也

枌詣宮

枌詣木名美木盛茂也

天梁宮

梁木至于天宮之高也四宮皆在建章宮

奇華殿 在建章宮旁四海夷狄器服珍寶火浣布切  
玉刀巨象大雀師子宛馬充塞其中

鼓簧宮 漢宮閣疏云在建章宮西北

神明臺 漢書云建章有神明臺廟記曰武帝造祭仙人處高五丈上有承露盤有銅仙人舒掌捧銅盤玉杯以承雲表之露以露和玉屑服之以求仙道長安記仙人掌大七圍以銅為之魏文帝徙銅盤折聲聞數十里

宋書五行志魏明帝青龍中盛修宮室西取長安金狄承露盤折聲聞數十里金狄泣于是因留霸城



鳳闕 宮殿疏曰建章宮東有鳳闕高二十餘丈師古  
曰闕闕上有銅鳳闕中記曰建章宮圓闕臨北道鳳在  
上號曰鳳闕

右建章宮

桂宮 漢武帝造在未央宮北周回十餘里漢書曰桂  
宮有紫房複道通未央宮闕輔記云桂宮在未央北中  
有明光殿土山複道從宮中西上城至建章神明臺蓬

萊山

水經注未央宮北即桂宮也周十餘里內有明光  
殿走狗臺柏梁臺舊乘複道用相逕通故張衡西

京賦曰鈎陳之外闔道穹窿屬  
長樂與明光逕北通于桂宮  
三秦記未央宮漸臺西

有桂宮中有明光殿皆金玉璣珠為簾箔西京雜記云  
武帝為七寶牀雜寶案廁寶屏風列寶帳設于桂宮時  
人謂之四寶宮漢書孝哀傳皇后退居桂宮

### 右桂宮

北宮 在長安城中未央宮北近桂宮周回十里高帝  
時制度草創孝元增修之中有前殿廣五十步珠簾玉  
戶如桂宮漢書呂太后崩孝惠皇后廢處北宮又哀帝

崩貶皇太后趙氏為孝成皇后退居北宮

壽宮 北宮有神仙宮壽宮張羽旗設供具以禮神君

神君來則肅然風生帷帳皆動

紫房複道 漢書孔光傳成帝母太皇太后自居長樂

宮帝祖母定陶太后在國邸詔問當何居光不欲令后

與帝旦夕相近即議以為定陶太后宜改築宮大司空

何武曰可居北宮上從武言北宮有紫房複道通未央

宮

師古曰複讀曰復

傳太后從複道朝夕至帝所程大昌雍錄

曰天子之居當為正宮其外皆離宮漢都長安若未央則其剏為至長樂則因秦而加葺治者也

西宮初成朝諸侯羣臣乃于長樂叔孫繇最蓋首施乎此不在未央也至高帝登假亦在長樂則長樂也者既以為居又以受朝無異乎正宮矣然自惠帝以後人主皆居未央而長樂常奉母后則雖長樂亦當名為離宮而未央當為正宮也故凡語及長樂者多曰東朝則其名固以分乎正宮矣至于甘泉雖在長安東北三百里

外為夫方士輩多云古帝王之所嘗都故武帝立朝邸  
其上而藩侯喬長有來朝者亦皆受之于此若其常制  
則類以五月往八月還蓋避暑耳此外如建章桂宮北  
宮之類雖在都城亦離宮矣

右北宮

明光宮 武帝太初四年起在長樂宮後南與長樂宮  
相連屬漢書成都侯商嘗疾欲避暑從上借明光宮王  
莽始建國元年改明光宮為定安館定安太后居之又

曰武帝求仙起明光宮發燕趙美女三千人充之率取

二十以下十五以上年滿三十者出嫁之掖庭令總其

籍有元出者隨補之

雍錄云漢有明光宮三一在北宮南與長樂相連者武帝太初四年

起即王商所借以避暑者也別有明光宮在甘泉宮中亦武帝所起發燕趙美女三千人充之至尚書郎主作文書起草更直于建禮門內則近明光殿矣建禮門內得神仙門神仙門內得明光殿約其方向必在未央正宮殿中則臣下奏事之地也建禮門神仙門明光殿此三名者不見于國志至歷代宮名之書則于後漢門名有建禮門豈此之所載

明光殿者東都之殿耶

太子宮甲觀

太子宮有甲觀畫堂漢書曰孝成皇帝

元帝太子也母曰王皇后元帝在太子宫生甲觀畫堂  
注曰甲者甲乙丙丁之次元后傳曰見于丙殿此則例  
也畫堂謂宮殿中彩畫之堂

右長安城內宮

永信宮 哀帝尊恭皇太后曰帝太太后稱永信宮

中安宮 哀帝尊恭皇后帝太后稱中安宮

養德宮 趙王如意年幼未能就外傳戚姬養之趙王

內傳趙媼傳之號其室曰養德宮

西京雜記同又曰  
後改為魚藻室

右長安宮異名

長門宮

離宮在長安城東

漢書東方朔傳更名寶太  
主園為長門宮如淳曰寶

太主園在長門長  
門在長安城東南

孝武陳皇后得幸頗妬居長門宮

史記

封禪書正義曰括地志云長安門故亭在雍州萬年  
縣東北苑中後館陶公主長門園武帝長門宮即此

鈎弋宮

孝武鈎弋夫人有寵生昭帝妊娠十四月上

曰聞昔堯十四月而生今鈎弋亦然乃命所生門曰堯

母門所居曰鈎弋宮漢武故事曰鈎弋室在直門之南

儲元宮

在長安城西漢書外戚傳信都太后與信都



王俱居儲元宮

宣曲宮

在昆明池西孝宣帝曉音律常于此度曲因

以為名

龍淵宮漢書元帝三年勅決河起龍淵宮服虔曰宮在長安西作銅飛龍故以為宮名

右長安城外離宮

甘泉宮

一曰雲陽居史記秦始皇二十七年作甘泉

宮及前殿築甬道

築垣墻于街巷

自咸陽屬之關輔記曰林光

宮一曰甘泉宮秦所造在今池陽縣西甘泉山宮以山

為名周匝十餘里漢武帝建元中增廣之周十九里去

長安三百里望見長安城黃帝以來圜丘祭天處

漢書地理

志雲陽縣有休屠金人及徑路神祠三所郊祀志雲陽有徑路神祠祭休屠王也孟庸曰匈奴祭天處在雲陽甘泉山下秦奪其地徙休屠右地程大昌曰匈奴傳云霍去病出隴西過馬者千餘里得休屠王祭天金人師古曰作金人以為天神之主而祭之即佛像是其遺法也武帝嘉休屠王來降而為澤邪所殺故以其像祠諸甘泉又取休屠王列之典祀而以為徑路孟庸乃謂甘泉本匈奴祭天之地為秦所奪豈不謬哉

遁甲

開山圖云雲陽先王之墟武帝造闕于南以象方色于甘泉更置前殿始造宮室有芝生甘泉殿邊房中漢舊儀云芝有九莖金色綠葉朱實夜有光乃作芝房之歌

帝又取紫殿雕文刻鏤黼黻以玉飾之成帝永始四年  
行幸甘泉郊泰畤神光降于紫殿今案甘泉宮北岍有  
槐樹今謂玉樹根幹盤峙二百年木也楊震闕輔古  
語云耆老相傳咸以為此樹即揚雄甘泉賦所謂玉樹  
青葱者也甘泉有高先宮又有林光宮有長定宮竹宮  
通天臺通靈臺武帝作迎風館于甘泉山後加露寒儲  
胥二館皆在雲陽甘泉中西廂起徬徨觀築甘泉苑建  
元中作石闕封巒鳩鵲觀于苑垣內宮南有昆明池苑

南有棠梨宮

西京雜記曰成帝設雲帳雲幄  
雲幕于甘泉紫殿世謂三雲殿

長定宮

在林光宮三輔決錄曰后從帝行幸甘泉宮

居長定宮孝成許皇后廢處昭臺宮歲餘徙長定宮

竹宮

甘泉祠宮也以竹為宮天子居中漢舊儀云竹

宮去壇三里

棠梨宮

在甘泉苑垣外雲陽南三十里

通靈臺

王褒雲陽記曰鈎弋夫人從至甘泉而卒葬

雲陽武帝思之起通靈臺于甘泉宮有一青鳥集臺上

往來至宣帝時不至

右甘泉宮

昭臺宮 在上林苑中孝宣霍皇后廢處昭臺宮後十  
二歲徙雲林館乃自殺

犬臺宮 在上林苑中長安西二十八里漢書江充召  
見犬臺宮

扶荔宮 在上林苑中武帝元鼎六年破南越起扶荔

宮

宮以荔  
枝得名

以植所得奇草異木芑蒲百本山薑十本甘

蕉十二本留求子十本桂百本蜜香指甲花百本龍眼  
荔枝檳榔橄欖千歲子柑橘皆百餘本土木南北異宜  
歲時多枯瘁荔枝自交趾移植百株于庭無一生者連  
年猶移植不息後數歲偶一株稍茂終無華實帝亦珍  
惜之一旦萎死守吏坐誅者數十人遂不復蒔矣其實  
則歲貢焉郵傳者疲斃於道極為生民之患至後漢安  
帝時交趾郡守極陳其弊遂罷其貢西京雜記曰初修  
上林苑羣臣遠方各獻名果異樹亦有製為美名以標

奇麗梨十紫梨青梨實大芳梨實小大谷梨細葉梨縹葉梨

金葉梨

出瑯琊王野家太守王唐所獻

瀚海梨

出瀚海北耐寒不枯

東王梨

出海中

紫條梨棗七弱枝棗玉門棗棠棗青華棗栲棗赤心棗

西王棗

出崑崙倚山

栗四侯栗榛栗瑰栗嶧陽栗

嶧陽都尉曹龍所獻大如

拳桃十秦桃桴桃緇核桃金城桃倚葉桃紫文桃霜桃

霜下可食胡桃

出西域

櫻桃含桃李十五紫李綠李朱李黃李

青李綺李青房李同心李車下李含枝李顏淵李出魯羌

李金枝李燕李蠻李侯李柰三白柰紫柰

花紫色

綠柰

花綠

色  
查三蠻查羌查猴查柀三青柀赤葉柀鳥柀棠四赤

棠白棠青棠沙棠梅七朱梅紫葉梅紫華梅同心梅麗

枝梅燕梅猴梅杏二文杏

材有文彩

蓬萊杏

東郡都尉于吉所獻一株花雜

五色六出云是仙人所食

桐三椅桐梧桐荆桐林檎十株枇杷十株

橙十株安石榴榑十株黃銀樹十株槐六百四十株千

年長生樹十株萬年長生樹十株扶老木十株守宮槐

十株金明樹二十株搖風樹十株琉璃樹七株池離樹

十株離婁樹十株白俞榴桂榴杜蜀漆樹十株枏四株



椈七株 栝十株 楔四株 楓四株

葡萄宮 在上林苑西哀帝元壽二年單于來朝上以

太歲厭勝所在舍之上林苑葡萄宮

承華殿 在上林苑武帝內傳七月七日上于承華殿

齋忽有一青鳥從西方來集殿前上問東方朔朔曰此

西王母欲來也有頃王母至

右上林苑內離宮

宜春宮 本秦之離宮在長安城東南杜縣東近下杜

漢書武帝建元三年微行東游宜春

鼎湖宮

在湖城縣界

一說在藍田有亭

昔黃帝采首山銅以

鑄鼎鼎成有龍下迎帝仙去小臣攀龍髯而上者七十

二人漢武帝于此建宮

按湖當作胡揚雄傳南至宜春鼎湖御宿昆吾韋昭以為近宜

春是也故武帝病鼎鼎胡卒起幸甘泉而行右內史界不在湖城明矣

長楊宮

本秦離宮漢修飾之在盩厔縣東南三十里

宮中有垂楊數畝因為宮名秋冬校獵天子于上臨觀

馬

水經注曰渭水北流長楊宮西

五柞宮

在扶風盩厔宮中有五柞樹因以為名五柞

皆連抱上枝蔭覆數十畝漢書武帝後元二年二月行幸盩厔五柞宮

集靈宮集仙宮存仙殿存神殿望仙臺望仙觀俱在華陰縣界皆武帝宮觀名也華山記及三輔舊事云昔有太乙真人茅盈內記始皇三十一年九月庚子盈曾祖父濛于華山乘雲駕龍白日昇天武帝即其地造宮殿歲時祈禱焉漢書華陰有集靈宮

思子宮 武帝悟戾太子無罪被殺作思子宮為歸來  
望思之臺于湖

黃山宮 在興平縣西三十里元和志漢書槐里有黃

山宮 在澇水入渭之下渭在東南東方朔傳武帝微行西至黃山宮

元后傳集黃山宮 水經注渭水東北逕黃山宮南西

京賦上林禁苑繞黃山而歛牛首 山海經注始平槐

里縣有黃山上故有宮漢惠帝所造

步壽宮 宣帝神爵二年鳳凰集殺禰縣鳳凰集處得  
玉寶乃起步壽宮案秦亦有步壽宮與此名同地異

池陽宮 在池陽南上原之阪有長年阪去長安五十里

梁山宮 在好畤界

見上

萬歲宮 在汾陰武帝造宣帝元康四年幸萬歲宮

回中宮 史記秦始皇二十七年巡隴西北地出并頭

過回中漢書文帝十四年匈奴入蕭關殺都尉燒回中宮候騎至雍武帝元狩四年幸雍通回中道遂北出蕭關又有三良宮相近

首山宮 武帝元封元年封禪後夢高祖坐明堂朝羣臣于是祀高祖于明堂以配天還作首山宮以為高靈

館 孝武紀元封六年冬行  
莽回中卷作首山宮

右各郡縣離宮

漢畿內千里並京兆治之內外宮館一百四十五所班固西都賦云前乘秦嶺後越九峻東薄河華西涉岐雍宮觀所歷百有餘區秦離宮二百漢武帝往往修治之

歷代帝王宅京記卷五

欽定四庫全書

史部

歷代帝王宅京記卷

七六

詳校官監察御史臣周元良

刑部郎中臣許兆椿覆勘

總校官編修臣倉聖脈

校對官中書臣王家賓

謄錄監生臣朱學瀛



欽定四庫全書

歷代帝王宅京記卷六

崑山顧炎武撰

關中四

漢

上林苑

以下苑囿

漢上林苑即秦之舊苑也漢書云武帝建

元三年開上林苑東南至藍田宜春鼎湖御宿昆吾旁

南山而西至長楊五柞北繞黃山瀕渭水而東周袤三

百里離宮七十所皆容千乘萬騎漢宮殿疏云方三百

四十里漢舊儀云上林苑方三百里苑中養百獸天子

秋冬射獵取之帝初修上林苑羣臣遠方各獻名果異

卉三千餘種植其中亦有製為美名以標奇異苑中有

昆明觀武帝置又有蒟觀漢書元后傳春幸蒟觀率皇  
后列侯夫人桑師古曰漢宮

閭疏云上林苑有蒟觀平樂觀遠望觀燕昇觀觀象觀便門觀白

鹿觀三爵觀陽祿觀陰德觀鼎郊觀樛木觀椒唐觀魚

鳥觀元華觀走馬觀柘觀上蘭觀元后傳校獵上蘭師  
古曰上蘭觀名在上

中林郎池觀當路觀皆在上林苑又舊儀曰上林有令有

尉禽獸簿記其名數

張釋之傳上問上林尉諸禽獸簿

又有上林詔獄

主治苑中禽獸之事屬水衡又上林苑中有六池市郭

宮殿魚臺大臺獸園

西京雜記云茂陵富民袁廣漢藏鎡巨萬家僮八九百人于北山下

築園東西四里南北五里激流水注其中構石為山高十餘丈連延數里養白鸚鵡紫鴛鴦羣牛青兕奇獸珍禽委積其間積沙為洲峙激水為波濤致江鷗海鶴孕雛產鷄延浸林池奇樹異草靡不培植屋皆徘徊連屬重閣修廊行之移晷不能徧也廣漢後有罪誅沒入為官園鳥獸草木皆移入上林苑中

甘泉宮 武帝置緣山谷行至雲陽三百八十一里西

入扶風北周回五百四十里苑中起宮殿臺閣百餘所  
有仙人觀石闕觀封巒觀鳩鵲觀

御宿苑 在長安城南御宿川中漢武帝為離宮別館

禁禦人不得入往來遊觀止宿其中故曰御宿三秦記

云御宿園出栗十五枚一勝大梨如五勝落地則破其

取梨先以布囊盛之號曰含消此園梨也

漢書百官表水衡都尉武

帝元鼎二年初置掌上林苑屬官有御羞令丞如淳曰  
御羞地名也在藍田揚雄傳謂之御宿師古曰御宿則  
今長安城南御宿川也不在藍田羞宿音相近故或云  
御羞或云御宿耳羞者珍羞所出宿者止宿之義元

后傳作  
藥宿

思賢苑 西京雜記曰孝文帝為太子立思賢苑以招  
賓客苑中有堂室六所客館皆廣無高軒屏風幃褥甚  
麗

博望苑 武帝為太子開博望苑以通賓客在長安城  
南杜門外五里有遺址

西郊苑 漢西郊有苑園林麓藪澤連亘繚以周垣四  
百餘里離宮別館三百餘所

按此疑是苑園之總  
名非別有一西郊苑

樂遊苑

在杜陵西北宣帝神爵三年起

關中記曰宣帝立廟於曲

江之北號樂遊按其處則今之所謂樂遊廟是西京雜記曰樂遊苑自生玫瑰樹樹下有苜蓿苜蓿一名懷風時人或謂之光風風在其間常蕭蕭然日照其花有光采故名苜蓿為懷風茂陵人謂之連枝草

宜春下苑

在杜陵東

晉灼曰史記云葬二世杜南宜春苑中師古曰宜春下苑即今

京城東南隅曲江是貢禹傳謂省宜春下苑以與貧民即此

廣明苑

水經注其一渠東逕奉明縣廣城鄉之廣明

苑南史皇孫及王夫人葬於郭北宣帝遷苑南以為悼

園益園民千六百家立奉明縣以奉二園園在東都門

昌邑王賀自霸陵御法駕郎中令龔遂駟乘至廣明東  
都門是也

三十六苑 漢儀注太僕牧師諸苑三十六所分布北  
邊西邊以郎為苑監官奴婢三萬人養馬三十萬匹  
養鳥獸者通名為苑故謂牧馬處為苑

梨園 雲陽宮記曰雲陽車箱坂下有梨園一項梨數  
百株青翠繁密望之如車蓋

昆明池 以下漢武帝元狩四年穿在長安西南周回四

十里西南夷傳曰天子使使求身毒國而為昆明所閉

天子欲伐之昆明國有滇池方三百里故作池以象之

以習水戰因名曰昆明池

漢書曰元狩三年滅隴西北  
地上郡戍卒之半及吏弄法

者謫之  
穿此池

食貨志曰時越欲與漢用船戰遂乃大修昆明

池三輔舊事曰昆明池地三百三十二頃中有戈船各

數十樓船百艘船上建戈矛四角悉垂旛旌旒葆麾蓋

照灼涯涘舊圖曰上林苑有昆明池周匝四十里廟記曰

池中後作豫章大船可載萬人上起宮室因欲游戲養



魚以給諸陵祭祀餘付長安尉

西京雜記作付長安市賣之

三輔故

事又曰池中有豫章臺及石鯨刻石為鯨魚長三丈每

至雷雨常鳴吼鬣尾皆動

西京雜記曰後世祭之以祈雨往往有驗

一說甘

泉宮南有昆明池池有靈波殿皆以桂為殿柱風來自

香又曰池中有龍首船常令宮女泛舟池中張鳳蓋建

華旗作權歌雜以鼓吹帝御豫章觀臨觀焉關輔古語

曰昆明池中有二石人立牽牛織女于池之東西以象

天河張衡西京賦曰昆明堂沼黑水元址牽牛立其右

織女居其左今有石父石婆神祠在廢池疑此是也武

帝初穿池得黑土帝問東方朔朔曰西域胡人知之乃

問之西域人曰劫燒之餘灰也魏書世祖太平真君元

浚昆明池高祖太和二十一年四月戊寅幸昆明池

周書閔帝欲觀魚于昆明池博士姜須諫乃止明

帝二年六月辛未幸昆明池隋書文帝開皇十二年

七月壬戌幸昆明池舊唐書高祖武德六年三月乙

未幸昆明池宴百官九年三月辛卯幸昆明池太

宗貞觀五年正月癸酉大蒐于昆明池代宗大歷二

年二月壬午幸昆明池踏青武宗紀會昌元年二月

壬寅幸昆明池陳王固聘西魏宴昆明池魏人以南

人嗜魚大設罟網固以佛法呪之遂一鱗不獲周太

祖往昆明池觀漁行至城西漢故倉地顧問左右莫有

知者或曰蘇綽博物多通請問之太祖召綽綽具以狀對綽有口辯應對如流太祖益嘉與綽並馬徐行而至他竟不設網罟而還德宗貞元十三年命京兆尹韓皋充使浚之

追尋漢制引交河澧水合流入池

鎬池 在昆明池北即周之故都也廟記曰長安城西有鎬池在昆明池北周匝二十五里溉地三十三頃史記秦始皇三十六年使者從關東夜至華陰平舒道有人持璧遮使者曰為吾遺鎬池君因言曰今年祖龍死使者問其故忽不見置其璧去使者奉璧具以聞始皇

金少曰凡八二  
卷六  
默然良久曰山鬼不過知一歲事也退言曰祖龍者人之先也使御府視壁乃二十八年渡江所沈壁也

滄池 在長安城中舊圖云未央宮有滄池言池水蒼

色也

水經注曰沆水枝渠于章門西引水入城東為滄池池在未央西

太液池 在長安故城西建章宮北未央宮西南太液者言其津潤所及廣也關輔記云建章宮北有池以象北海刻石為鯨魚長三丈漢書曰建章宮北治大池名曰太液池中起三山以象瀛洲蓬萊方丈刻金石為魚

龍奇禽異獸之屬廟記曰建章宮北池名太液周回十

頃有採蓮女鳴鶴之舟三輔舊事云日出暘谷浴于咸

池即虞淵即暮此池象之也昭帝始元元年春黃鵠下

建章宮太液池

西京雜記曰太液池邊皆是雕胡紫薺綠節之類菰之有米者長安人謂之雕

胡葭蘆之米解葉者謂之紫薺菰之有首者謂之綠節其間鳧雛雁子布滿充積又多紫龜綠鼈池邊多平沙

沙上鶉鴈鷓鴣鵠鵠鴻鵠動輒成羣又曰太液池中

有鳴鶴舟容與舟清曠舟採菱舟越女舟太液池西有

一池名孤樹池池中有洲洲上姑樹一株六十餘圍望之重重如蓋故取為名王嘉拾遺記曰成帝嘗以秋

日與趙飛燕戲於太液池以沙棠木為舟以雲母飾于鷁首一名雲舟又刻桐木為虬龍雕飾如真夾雲舟而

行以紫桂為舵及觀雲棹水玩擷菱葉帝每憂輕蕩以驚飛燕命飲飛之士以金鎖纜雲舟于波上每輕風時至飛燕殆欲隨風入水帝以翠纓結飛燕之裙今太液池尚有避風臺即飛燕結裙之處

唐中池 周回十二里在建章宮太液池旁

百子池 在建章宮西西京雜記曰漢時宮中嘗以七

月七日臨百子池作于闐樂

十池 上林苑有初池糜池牛首池

司馬相如上林賦曰濯鷁牛首郭璞

注曰牛首池在豐水西北近瀟河

蒯池積草池

西京雜記曰池中有一南越王趙佗所獻珊瑚樹

高一丈二尺一本三柯有四百六十條名曰絳火樹夜有光景常燦然

東陂池西陂池當

路池大臺池郎池牛首池在上林苑中西頭蒯池生蒯  
草以織席西陂池郎池皆在古城南上林苑中陂郎二  
水名因為池初學記引三秦記曰漢上林有池十五所  
承露池昆靈池池中有倒披蓮連錢荇浮浪根菱天泉  
池上有連樓閣道中有子宮戟子池龍池魚池牟首池  
蒯池菌鶴池西陂池當路池東陂池太一池牛首池積

草池糜池舍利池百子池

以上共十  
名未詳

少府飲飛外池 漢儀注飲飛具矰繳以射鳧雁給祭

祀故有池

孝元紀初元二年詔罷少府炊飛外池嚴禦池田假與貧民

酒池

在長安故城中廟記曰長樂宮中有魚池酒池

池上有肉炙樹秦始皇造漢武行舟于池中酒池北起臺天子于上觀牛飲者三千人又曰武帝作以夸羌胡飲以鐵盃重不能舉皆抵牛飲西征賦云酒池監于商辛追覆車而不悟

影娥池

在建章宮武帝鑿池以玩月其旁起望鵲臺

琳池

昭帝始元元年穿廣千步

王嘉拾遺記曰池中植分枝荷一莖四葉



狀如駢蓋日照則葉低蔭根莖若葵之衛足名曰低光  
荷實如元珠可以飾佩花葉歲蕤芬馥之氣徹十餘里  
食之令人口氣常香益脈治病帝時命水嬉游燕永日  
以文梓為船木蘭為舵刻飛燕翔鷗飾于船首隨風輕  
漾畢景忘歸起高臺于池上今臺無遺址溝池已平又  
曰元鳳二年于琳池之南起桂臺以望遠東引太液之  
水有一連理桂樹上枝跨于渠水下枝隔岸而南生于上枝同一株

鶴池 在長安城西

盤池 在長安城西北

水池 在長安西舊圖云西有彪池亦名聖女泉蓋水

彪聲相近而訛也

蒲池 漢書郊祀志五帝廟臨渭其北穿蒲池

靈臺

以下  
臺榭

在長安西北八里漢始曰清臺本為候者觀

陰陽天文之變更名曰靈臺郭緣生述征記曰長安宮  
南有靈臺高十五仞上有渾儀張衡所制又有相風銅  
鳥遇風乃動有銅表高八尺長一丈三尺廣尺二寸題  
曰太初四年造

柏梁臺 武帝元鼎二年起在未央宮北門內三輔舊  
事云以香柏為梁也帝嘗置酒其上詔羣臣和詩能七

言詩者乃得上五行志太初元年十月未央宮柏梁臺  
災

漸臺

在未央宮高十丈

一作三十丈

漸侵也言為池水所

漸一說漸臺星名也

晉天文志漸臺四星在織女東南臨水之臺也

水經注曰

未央宮西有滄池池中有漸臺

師古曰未央殿西南有滄池池中有漸臺

兵起王莽死于此臺南有壁門三層高三十餘丈中殿

十二間階陛咸以玉為之鑄銅鳳五丈飾以黃金樓屋

上椽首薄以玉璧因曰璧玉門也

神明臺

見建章宮

涼風臺

在長安故城西建章宮北關輔記曰建章宮

北作涼風臺積水為樓

長樂宮有魚池臺酒池臺秦始皇造又有著室臺闕雞

臺走狗臺壇臺漢韓信射臺又未央宮有果臺東西山

二臺未央宮有鈎弋臺通靈臺望鵠臺眺瞻臺桂臺商

臺避風臺

並見上

通天臺

武帝元封二年作甘泉通天臺漢舊儀云通

天者言此臺高通于天也漢武故事築通天臺于甘泉  
去地百餘丈雲雨悉在其下望見長安城武帝時祭泰  
一上通天臺舞八歲童女三百人祠祀招仙人祭泰一  
云令人升通天臺以候天神天神既下祭所若大流星  
乃舉烽當作  
燧火而就行宮望拜上有承露盤仙人掌擎  
玉杯以承雲表之露元鳳間臺自毀椽桶皆化為龍鳳  
隨風雨飛去西京賦云通天眇而竦峙徑百常而莖擢  
上辮華以交紛下刻隋其若削亦曰候神臺又曰望仙

臺以候神明望神仙也

長楊榭 在長楊宮秋冬校獵其下命武士搏射禽獸

天子登此以觀

臺上有木曰榭

豫章觀

以下觀閣

武帝造在昆明池中亦曰昆明觀一說曰

上林苑中有昆明池館桓譚新論云元帝被疾遠求方士漢中送道士王仲都詔問所能對曰能忍寒乃以隆冬盛寒日令袒載駟馬于上林昆明池上環以冰而御駟者厚衣狐裘寒戰而仲都無變色臥于池上噤然自

若即此也

飛廉觀 在上林苑武帝元封二年作飛廉神禽能致風氣者武帝以銅鑄置觀上因以為名高四十丈後漢明帝永平五年至長安迎取飛廉并銅馬置上西門外為平樂觀董卓悉銷以為錢

屬玉觀 在扶風屬玉水鳥似鸕鶿以名觀也宣帝甘露二年行幸首陽宮屬玉觀

青梧觀 在五柞宮之西西京雜記曰觀前有三梧桐

金華山志卷六  
樹下有石麒麟二枚刊其脇文字是秦始皇驪山墓上  
物也頭高一丈三尺東邊者前左脚折去有赤如血父  
老謂其有神皆含血屬筋馬

射熊觀 在長楊宮

石闕觀封巒觀 雲陽宮記云宮東北有石門山岡巒  
糾紛干霄秀出有石巖容數百人以上起甘泉觀甘泉賦  
云封巒石闕彌迤乎延屬

白楊觀 在昆明池東



長平觀

在池陽宮臨涇水

亦作館元后傳登長平館臨涇水而覽焉後漢書

獻帝紀

韓遂馬騰與郭汜樊稠戰于長平觀遂騰敗績注前書音義曰長平阪名也上有觀在池陽宮南去

長安五  
十里

龍臺觀

在豐水西北近渭

涿木觀

在上林苑

細柳觀

在長安西北三輔舊事云漢文帝遣將軍周

亞父屯細柳令呼古徼是也

仙人觀霸昌觀蘭池觀安臺觀淪沮觀在城外又有禁

觀董賢觀蒼龍觀當市觀旗亭樓馬伯騫樓在城內

繭館 漢宮闕疏云上林苑有繭館蓋蠶繭之所也麒麟朱鳥龍興含章皆館名

石渠閣 蕭何造其下礮石為渠以導水若今御溝因為閣名所藏入關所得秦之圖籍至成帝又於此藏秘書馬三輔故事云在未央宮殿北甘露中五經諸儒雜論于石渠閣

天祿閣 藏典籍之所在未央宮殿北漢宮殿疏云天

祿麒麟閣蕭何造以藏秘書處賢才也劉向于成帝之末校書天祿閣專精覃思夜老人著黃衣植青藜杖扣閣而進見向暗中獨坐誦書老父乃吹杖端煙然因以見向授五行洪範之文恐辭說繁廣忘之乃裂裳及紳以說其言至曙而去請問姓名云我是太乙之精天帝聞邠金之子有博學者下而觀焉乃出懷中竹牒有天圖地文之書曰余略授子焉至子歆徙授其術向亦不悟此人焉

麒麟閣

在未央宮廟記云蕭何造

張晏曰武帝獲麒麟時作漢書

宣帝思股肱之美乃圖霍光等十一人于麒麟閣三秦

記云未央宮有堯閣廟記云未央宮有白虎閣屬車閣

掖門

漢書呂后紀朱虛侯章從太尉勃請卒千人入

未央宮掖門師古曰非正門而在兩旁若人之臂掖也

永巷 永長也宮中之長巷幽閉宮女之有罪者武帝

時改為掖庭置獄焉

列女傳周宣王姜后脫簪珥待罪永巷

辟雍 在長安城西七里漢書河間獻王來朝獻雅樂

武帝謝之三雍宮即此

禮樂志曰成帝時犍為郡水濱得古磬十六枚劉向說帝宜興

辟雍馬水經注曰渭水又東合漕渠又東逕長安縣東逕明堂南舊引水為辟雍處在鼎路門東七里其制上圓下方九宮十二室四嚮五色堂北三百步有靈臺是漢平帝永始四年立渠南有漢故圓丘成帝建始二年罷雍五時始祀皇天上帝于長安南郊應劭曰天郊在長安南即此也

明堂 在長安西南七里漢書曰武帝初即位嚮儒術

以文學為本議立明堂于城南以朝諸侯應劭注曰漢武帝造明堂王莽修飾令大

圓丘 在昆明故渠南高二丈周回百二十步

太學 在長安城西北七里王莽作宰衡時建弟子舍  
萬區起市郭上林苑中三輔舊事云漢太學有市有獄  
漢立四廟祖宗廟異處不序昭穆

太上皇廟 在長安故城中香室街南鴻翔府北關輔  
記曰在酒池北

高祖廟 在長安故城中關輔記曰秦廟中鐘四枚皆  
在漢高祖廟中三輔舊事云高廟鐘重十二萬觔漢舊  
儀云高祖廟鐘十枚各受十石撞之聲聞百里漢書文

帝時盜取高廟玉環故事云光武至長安以宗廟燒蕩  
為墟乃徙都雒陽取十廟合于高廟作十二室太常卿  
一人別治長安主知高廟事高廟有便殿凡言便殿便  
室便坐者皆非正大之處所以就便安也

高園 於陵上作之既有正寢以象平生正殿路寢也  
又立便殿于寢側以象休息閒宴之處也

原廟 孝惠更于渭北建高帝廟謂之原廟漢書叔孫  
通傳曰惠帝為東朝長樂宮及閒往

師古曰非大朝數  
時中間小謁見

蹕煩民作復道

復讀曰複

方築武庫南

如淳曰方始築武庫南也

通奏事

因請問曰陛下何事築復道高帝寢衣冠月出遊高廟

應劭曰月旦出高帝衣冠備法駕名曰游衣冠晉子孫灼曰黃圖高廟在長安城門街東寢在桂宮北

奈何乘宗廟道上行哉惠帝懼曰急壞之通曰人主無

過舉

師古曰舉事不當有過失

今已作百姓皆知之矣願陛下為原

廟渭北

師古曰原重也先已有廟今更立之故云重也

衣冠月出遊之蓋廣宗

廟大孝之本上乃詔有司立原廟

惠帝廟 在高帝廟後



文帝廟 號顧成

見上

景帝廟

號德陽宮

史記孝景中四年二月置德陽宮  
瓚曰是景帝廟也帝自作之諱不

言廟故  
號為宮

武帝廟

號龍淵今長安西茂陵東有其處作銅飛龍

故以名

昭帝廟

號徘徊

宣帝廟

號樂游

見上

元帝廟

號長壽

成帝廟 號陽池

太上皇有寢廟園原廟昭靈后武哀王昭哀后皆有園  
孝惠皇帝有寢廟園孝文太后孝昭太后皆有園寢衛  
思后皇祖悼考皆有廟園廟曰奉明

元成之世祖宗廟在郡國者六十八合百六十七所京  
師自高祖至宣帝與太上皇悼皇考各自居陵旁立廟  
并為百七十六又園中各有寢便殿日祭于寢月祭於  
殿時祭于便殿寢日四上食廟歲二十五祠便殿歲四

祠又月一游衣冠四時祭宗廟用太牢列侯皆獻酎金

以助祭

諸侯王及列侯歲時詣京師侍祠助祭

南北郊天郊在長安城南北郊在長安城北所屬掌治壇墠郊宮歲時供帳以奉郊祀武帝定郊祀之事祠太乙于甘泉圓丘取象天形就陽位也祀后土于汾陰澤中方丘取象地形就陰位也至成帝徙泰畤后土于京師始祀上帝于長安南郊祀后土于長安北郊

漢初除秦社稷立漢社稷其後又立官社配以夏禹而

不立官稷至平帝元始三年始立官稷于官社之後

太上皇陵 高帝葬太上皇于櫟陽北原因置萬年縣

于櫟陽大城內以為奉陵邑其陵在東者太上皇在西

者昭靈后也

太祖初居櫟陽故太上皇因在櫟陽十年太上皇崩葬北園

高祖長陵 在渭水北去長安三十五里山東西廣一

百二十步高十三丈長陵城周七里一百八十步因為

殿垣門四出及便殿掖庭諸官寺皆在中

吕后陵 在高祖陵東按史記高后合葬長陵注云漢

帝后同塋則為合塋不合陵也

惠帝安陵 去長陵十里在長安城北三十五里安陵有果園鹿苑云

文帝霸陵 在長安城東七十里因山為藏不復起墳就其水名以為陵號

景帝陽陵 在長安城東北四十五里按景帝五年作陽陵山方百二十步高十丈

武帝茂陵 在長安城西北八十里建元二年初置茂

陵邑本槐里縣之茂鄉故曰茂陵周回三里三輔舊事云武帝于槐里茂鄉徙戶一萬六千置茂陵高一十四丈一百步茂陵園有鶴觀

昭帝平陵 在長安城西北七十里去茂陵十里

宣帝杜陵 在長安城南帝在民間時好遊鄠杜間故葬此

元帝渭陵 在長安城北五十六里

成帝延陵 在扶風去長安六十二里王莽時遣使壞

渭陵延陵園門果愚曰母使民復思也又以墨色澆其

周垣

哀帝義陵 在扶風渭城西北原上去長安四十六里

平帝康陵 在長安北六十里興平原口

文帝母薄太后南陵 在霸陵南故曰南陵

昭帝母趙婕妤雲陵 在雲陽甘泉宮南今人呼為女

陵

李夫人墓 在茂陵西北一里東西五十步南北六十

步高八丈俗名英陵亦曰集仙臺

漢有長水中壘屯騎虎賁越騎步兵射聲胡騎八營宿

衛王宮周盧直宿處

虎威章溝皆署名

武庫 在未央宮蕭何造以藏兵器

水經注昆明故渠出二宮之間又東

歷武庫北樗里子葬于此史記樗里子名疾秦惠王異母弟也滑稽多智秦人號曰智囊葬于渭南章臺之東曰後百歲當有天子之宮夾我墓樗里子疾室在昭王廟西渭南陰鄉樗里故俗謂之樗里子至漢興長樂宮在其東未央宮在其西武庫正直其基秦人諺曰力則任鄙智則樗里 田蚡傳嘗請考工地益定上怒曰君



何不遂  
取武庫

靈金內府 太上皇微時佩一刀長三尺上有銘字難

識傳云殷高宗伐鬼方時所作也高祖以之斬白蛇及

定天下藏於寶庫守藏者見白氣如雲出戶狀若龍蛇

吕后改庫曰靈金藏惠帝即位以此庫貯禁兵器名曰

靈金內府

太倉 蕭何造在長安城外東南  
在禁苑西北距中衛橋與長安故城相接

四面俱十三  
里亦隸苑中

欽定四庫全書

細柳倉嘉倉 在長安西渭水北古徼西有細柳倉城  
東有嘉倉

未央大廡 在長安故城中漢官儀曰未央宮六廡長  
樂承華等廡令皆秩六百石

翠華廡大略廡果馬廡輓梁廡騎馬廡大宛廡胡河廡  
駒駝廡皆在長安城外

霸昌觀馬廡 在長安城外

都廡天子車馬所在中廡皇后車馬所在

獸園九羘園一 在未央宮中

郡國志曰虎園在通文  
化門東二十五里

帝問上林尉及馮媛當熊皆在此處獸園上有樓觀

蠶室 行腐刑之所也司馬遷下蠶室

鐘室 在長樂宮呂后傳韓信置鐘室中

作室 尚方工作之所

蠻夷邸 在長安城內橐街

師古曰若今  
馮廕客館

橫橋 三輔舊事云秦造橫橋漢承秦制廣六丈三百

八十步置都水令以掌之號為石柱橋

漢末董卓燒之  
水經注曰橋之

北首壘石水中  
故謂之石柱橋

渭橋

在長安城三里跨渭水為橋秦始皇造刻石作

力士孟賁等像

霸橋

在長安東跨水作橋漢人送客至此橋折柳贈

別王莽時霸橋災

便門橋

武后作

見上

飲馬橋

在宣平城門外

楊溝

長安御溝謂之楊溝謂植高楊于其上也

長安九市 廟記云長安市有九各方二百六十六步  
六市在道西三市在道東凡四里為一市致九州之人  
在突門夾橫橋大道市樓皆重屋又曰旗亭樓在杜門  
大道南又有當市橋有令署以察商賈貨財買賣貿易  
之事三府都尉掌之直市在富平津西南二十五里秦  
文公造物無二價故以直市為名班固西都賦云九市  
開場貨別隧分張衡西京賦云廓開九市通關帶闌旗  
亭五重俯察百隧是也又有柳市

漢宮闕疏細  
柳倉有柳市東市西

市

在醴泉坊惠帝紀六年六月起長安西市

郡國志長安大俠萬子夏居柳

市史記司馬季主卜于東市鼂錯朝服斬于東市

西京雜記

曰漢元始間太學列槐數百行諸生朔望會市各持其土物及經書買賣議論謂之槐市漢書百官表京兆

有長安市今丞馮翊有長安四市長丞食貨志莽于

長安及五都立五均官更名長安東西市今及洛陽邯鄲臨淄宛城都市長皆為五均司市稱司東市稱京西

市稱畿洛陽稱中餘四都各用東西南北為稱皆置交

易丞五人錢府丞一人  
長安八街九陌 有香室街夕陰街尚冠前街三輔舊

事云長安城中八街九陌漢書劉屈氂妻臯首華陽街

京兆尹張敞走馬章臺街陳湯斬郅支王首懸藁街

長安城中閭里 長安閭里一百六十室居櫛比門巷

修直潘岳西征賦尚冠修成黃棘宣明建陽昌陰北煥

南平李善注皆里名漢書萬石君石奮徙家長安戚里

宣帝為曾孫舍長安尚冠里劉向列女傳節女長安人

昌里人也

歷代帝王宅京記卷六